



## Ma'lumotlarni o'zgartirish haqida ma'lumotnoma

### O'zgarishdan keyingi aksiyalar

Aksiya tili: o'zbek tili

Oddiy aksiyalar

Aksiyalar soni: 55600000

Aksiya bahosi: 1000 so'm

Ustav fondi:

55 600 000 000 so'm


15.12.2023

2334769

1579606

1579606





## Ma'lumotlarni o'zgartirish haqida ma'lumotnoma

### O'zgartirishdan oldin

Soliq to'lovchisining identifikatsiya raqami (STIR)  
305 655 099

Nomi  
KAFOLAT HAYOT INSURANCE

Tashkiliy-huquqiy shakli  
Aksiyadorlik jamiyati

Joylashgan joyi (manzili)  
Toshkent shahri, Mirobod tumani, Amir Temur shoh  
ko'chasi, 13-13 A-uy

### O'zgartirishdan keyin

Soliq to'lovchisining identifikatsiya raqami (STIR)  
305 655 099

Nomi  
KAFOLAT HAYOT INSURANCE

Tashkiliy-huquqiy shakli  
Aksiyadorlik jamiyati

Joylashgan joyi (manzili)  
Toshkent shahri, Mirobod tumani, Amir Temur shoh  
ko'chasi, 13-13 A-uy

15.12.2023


2334769

Qaydnomaga eiltirilgan sana

Ariza raqami

1579606





O'zbekiston Respublikasi  
Adliya vazirligi

## Ma'lumotlarni o'zgartirish haqida ma'lumotnoma

### Oldingi ta'asischilar

Yuridik shaxs

"KAFOLAT SUG'URTA KOMPANIYASI" AKSIYADORLIK JAMIYATI

Soliq to'lovchisining identifikatsiya raqami (STIR):  
202288236

Miqdori: 35 000 000 000  
so'm

Ulush:  
100.00%

Ustav fondi

35 000 000 000 so'm

15.12.2023

2334769

1579606

Qo'ychi ma'lumotli sonda

Arizalar qabul



Yuridik shaxsni davlat ro'yxatidan o'tkazilganligi to'g'risidagi



# GUVOHNOMA

## Yuridik shaxs

**"KAFOLAT HAYOT INSURANCE" AKSIYADORLIK JAMIYATI**

Tashkiliy-huquqiy shakli ko'rsatilgan holda yuridik shaxs - tadbirkorlik subyektining to'liq nomi

**"KAFOLAT HAYOT INSURANCE" AJ**

Yuridik shaxsning qisqartirilgan nomi

**305 655 099**

Soliq to'lovchining identifikatsiya raqami (STIR)

Tashkil etish (qayta tashkil etish, boshqa ro'yxatga olish, axborotni o'zgartirish)

**17.07.2018**

**622976**

Sana

Tasdiqlandi

Tashkiliy-huquqiy shakli:

**AKSIYADORLIK JAMIYATI**

Faoliyat yuritadigan manzil:

**TOSHKENT SHAHRI, MIROBOD TUMANI, AMIR TEMUR SHOH KO'CHASI, 13-13 A-UY**

Tomonidan berilgan:

**MIROBOD TUMANI DAVLAT XIZMATLARI MARKAZI**

1579607



“Kafolat Hayot Insurance” АЖ

Ягона акциядорининг

2023 йил 14 декабрдаги

9-сонли қарори билан

ТАСДИҚЛАНГАН



З.Норов

## “Kafolat Hayot Insurance” акциядорлик жамияти

**УСТАВИ**  
(янги тахрир)

**Тошкент шаҳри**

## I. УМУМИЙ ҚОИДАЛАР

- 1.1 Ушбу Устав Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги, “Қимматли қоғозлар бозори тўғрисида”ги, “Суғурта фаолияти тўғрисида”ги Қонунлари ва бошқа қонун ҳужжатлари асосида ишлаб чиқилган.
- 1.2 Бундан буён матнда “жамият” деб аталувчи “Kafolat Hayot Insurance” акциядорлик жамияти муқаддам Миробод туман давлат хизматлари маркази томонидан 2018 йил 17 июлда 622976-сон билан “Kafolat Hayot” суғурта компанияси масъулияти чекланган жамияти сифатида давлат рўйхатидан ўтказилган.
- 1.3 Жамият ўз фаолиятини Ўзбекистон Республикаси Конституцияси, Ўзбекистон Республикаси Фуқаролик кодекси, Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги, “Қимматли қоғозлар бозори тўғрисида”ги, “Суғурта фаолияти тўғрисида”ги Қонунлари ва бошқа меъёрий-ҳуқуқий ҳужжатларга ҳамда мазкур уставга мувофиқ амалга оширади.
- 1.4 Жамиятнинг тўлиқ фирма номи:  
Ўзбек тилида:
- лотин ёзувида: “Kafolat Hayot Insurance” aksiyadorlik jamiyati;
  - кирилл ёзувида: “Kafolat Hayot Insurance” акциядорлик жамияти;
  - Рус тилида: Акционерное общество “Kafolat Hayot Insurance”;
  - Инглиз тилида: “Kafolat Hayot Insurance” Joint-Stock Company.
- 1.5 Жамиятнинг қисқартирилган номи:  
Ўзбек тилида:
- лотин ёзувида: “Kafolat Hayot Insurance” AJ;
  - кирилл ёзувида: “Kafolat Hayot Insurance” АЖ;
  - Рус тилида: АО “Kafolat Hayot Insurance”;
  - Инглиз тилида: “Kafolat Hayot Insurance” JSC.
- 1.6 Жамиятнинг манзили:
- жойлашган жойи: Ўзбекистон Республикаси, Тошкент шаҳар, Миробод тумани, Амир Темур шоҳ кўчаси, 13-13А уй.
  - почта манзили: 100000, Ўзбекистон Республикаси, Тошкент шаҳар, Миробод тумани, Амир Темур шоҳ кўчаси, 13-13А уй.
  - Жамиятнинг электрон почта манзили: [info@kafolathayot.uz](mailto:info@kafolathayot.uz)
  - Жамиятнинг расмий корпоратив веб-сайти: [www.kafolathayot.uz](http://www.kafolathayot.uz)

## II. ЖАМИЯТНИНГ ҲУҚУҚИЙ ҲОЛАТИ, ЖАВОБГАРЛИГИ

- 2.1 Жамият юридик шахс бўлиб, у ўз мустақил балансида ҳисобга олинадиган алоҳида мол-мулкка, шу жумладан ўзининг устав капиталига берилган мол-мулкка эга бўлади, ўз номидан мулкӣ ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.
- 2.2 Жамият давлат рўйхатидан ўтказилган пайтдан эътиборан юридик шахс мақомига эга бўлади. Жамият фаолият кўрсатиш муддати чекланмаган ҳолда ташкил этилади.
- 2.3 Жамият Ўзбекистон Республикаси ҳудудида ва ундан ташқарида банк ҳисобварақлари очишга ҳақлидир.
- 2.4 Жамият ўзининг фирма номи давлат тилида тўлиқ ёзилган ҳамда жойлашган жойи кўрсатилган юмалоқ муҳрга эга бўлиши лозим. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

- 2.5 Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.
- 2.6 Жамият ташкилий тузилмалари қуйидагилардир:
- Ягона акциядор;
  - Кузатув кенгаши;
  - Ижроия органи (Бошқарув);
  - Жамиятнинг Қорақолпоғистон Республикаси, барча вилоятлар ва Тошкент шаҳридаги филиаллари.
- 2.7 Жамият ўз филиаллари мажбуриятлари юзасидан жавобгар бўлади.
- 2.8 Жамият ўз мажбуриятлари юзасидан ўзига тегишли барча мол-мулк билан жавобгар бўлади.
- 2.9 Ягона акциядор жамиятнинг мажбуриятлари юзасидан жавобгар бўлмайди ва унинг фаолияти билан боғлиқ зарарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.
- 2.10 Акцияларнинг ҳақини тўлиқ тўламаган ягона акциядор жамиятнинг мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўлади.
- 2.11 Жамият ўз ягона акциядорининг мажбуриятлари юзасидан жавобгар бўлмайди.
- 2.12 Жамият қонунчиликда белгиланган тартибда филиаллар ташкил этишга ва ваколатхоналар, шўъба корхоналари очишга ҳақли. Филиал жамиятнинг жамият жойлашган ердан ташқарида жойлашган ҳамда унинг барча вазифаларини ёки уларнинг бир қисмини, шу жумладан ваколатхонанинг вазифаларини амалга оширадиган алоҳида бўлинмасидир. Жамият қонун ҳужжатларига мувофиқ шўъба ва тобе хўжалик жамиятларига эга бўлиши мумкин.
- 2.13 Жамият Ўзбекистон Республикасининг қонун ҳужжатлари талабларига мувофиқ бошқа юридик шахсларнинг таъсисчиси бўлишига ёки уларнинг устав капиталида бошқача тарзда иштирок этишга ҳақли.
- 2.14 Агар жамиятнинг банкротлиги жамият учун мажбурий бўлган кўрсатмалар бериш ҳуқуқига эга бўлган акциядор сифатида иш юритаётган шахснинг ғайриқонуний ҳаракатлари туфайли юзага келган бўлса, жамиятнинг мол-мулки етарли бўлмаган тақдирда, мазкур акциядорнинг зиммасига жамиятнинг мажбуриятлари бўйича субсидиар жавобгарлик юклатилиши мумкин. Акциядор мажбурий кўрсатмалар бериш ҳуқуқига ушбу уставида бу ҳуқуқ назарда тутилган тақдирдагина эга бўлади.
- 2.15 Жамият учун мажбурий кўрсатмалар бериш ҳуқуқига эга бўлган акциядор жамият муайян ҳаракатни амалга ошириши оқибатида банкрот бўлишини олдиндан била туриб, ушбу ҳуқуқидан жамият томонидан шундай ҳаракат амалга оширилиши учун фойдаланган тақдирдагина жамиятнинг банкротлиги акциядорнинг ҳаракатлари туфайли юзага келган деб ҳисобланади.
- 2.16 Давлат ва унинг органлари жамиятнинг мажбуриятлари юзасидан жавобгар бўлмайди, худди шунингдек жамият ҳам давлат ва унинг органларининг мажбуриятлари юзасидан жавобгар бўлмайди.

### **III. ЖАМИЯТ ФАОЛИЯТИНИНГ СОҲАСИ (АСОСИЙ ЙЎНАЛИШЛАРИ) ВА МАҚСАДИ**

- 3.1 Жамият тижорат ташкилоти бўлиб, унинг асосий йўналиши суғурта бозори профессионал иштирокчиси сифатида суғуртани амалга оширишдир. Жамият фаолиятининг мақсади мижозларга сифатли хизмат кўратиш ҳамда молиявий-

- хўжалик фаолиятдан фойда олишдир.
- 3.2 Жамият Ўзбекистон Республикаси ҳамда чет эл юридик ва жисмоний шахсларининг шунингдек фуқаролиги бўлмаган шахсларнинг (резидент ва норезидентларга, кейинги матнларда “мижоз”) ҳаётини суғурта қилиш тармоғида суғурта хизматларини кўрсатиш мақсадида ташкил этилган. Булардан ташқари Жамият иқтисодий ҳамкорликни мустаҳкамлаш, ишлаб чиқаришга илғор технологиялар, илм-фан ютуқларини жорий қилиш, инфратузилмани ривожлантириш, Ўзбекистон Республикаси суғурта бозорини юқори сифатли хизматларга бўлган мавжуд эҳтиёжни янада тўлиқ қондириш, кўшимча иш ўринларини яратиш, меҳнат жамоаси аъзолари ва Жамиятнинг ижтимоий ҳамда иқтисодий манфаатларини қондиришни ҳам амалга оширади.
- 3.3 Жамият фаолиятининг асосий турлари ва йўналишлари Суғурта фаолияти (ҳаётни суғурта қилиш тармоғи ва умумий суғурта тармоғининг 1 ва 2-класслари бўйича) ва суғурта билан боғлиқ фаолият турларидан иборат.
- 3.4 Жамият фаолиятининг асосий турлари ва йўналишлари қуйидагилардан иборат:
- мижозларга суғурталаш соҳасида хизматлар кўрсатиш;
  - тегишли суғурта маҳсулотларини тақдим қилиш йўли билан Ўзбекистон Республикаси аҳолисининг кенг қатламларини ижтимоий ҳимояси воситаларини ривожлантириш;
  - ҳаётни ва соғлиқни суғурталаш йўллари ривожлантириш мақсадида суғурталашнинг халқаро стандартларини иш жараёнига босқичма-босқич тадбиқ қилиш;
  - маҳаллий ва чет элдаги турдош давлат ва хусусий суғурта ташкилотлари (ҳаёт суғуртаси ва қайта суғурта компаниялари) билан ўзаро ҳамкорликни йўлга қўйиш;
  - Ўзбекистон Республикаси қонунчилиги ва халқаро қонунчилик доирасида суғурта хизматларини амалга ошириш.
- 3.5 Жамият асосий вазифаларни амалга ошириш учун қуйидагиларни бажаради:
- олинган лицензияга мувофиқ суғурта фаолиятини амалга ошириш;
  - асосий ва инвестицион фаолиятларнинг актуар текширувдан ўтказилишини қонунчиликда белгиланган тартибда амалга ошириш;
  - қонун ҳужжатларида белгиланган тартибда ҳар йили мажбурий аудиторлик текширувидан ўтишни амалга ошириш;
  - суғурта қопламаси, суғурта таъминоти ва суғурта пулини тўлашни амалга ошириш;
  - суғурта ходисаларини келиб чиқиш ҳолатларини олдини олувчи огоҳлантириш чора-тадбирларини қонунчиликда белгиланган тартибда бажариш;
  - амалдаги қонунчиликка асосан инвестиция фаолиятини амалга ошириш;
  - суғурта агенти сифатида суғурта воситачилигини амалга ошириш;
  - Шунингдек, Ўзбекистон Республикасининг амалдаги қонун ҳужжатлари билан тақиқланмаган бошқа ишларни амалга ошириш ва хизматларни кўрсатиш.
- 3.6 Жамият ўз мақсадларини бажариш учун қонун ҳужжатларига зид бўлмаган барча фаолиятни амалга оширишга ҳақли.
- 3.7 Фаолиятни амалга ошириш учун махсус рухсатнома (лицензия) талаб қилинадиган фаолият турлари, тегишли рухсатнома (лицензия) олингандан кейин амалга оширилади.

#### **IV. ЖАМИЯТ УСТАВ КАПИТАЛИНИНГ МИҚДОРИ**

- 4.1 Жамиятнинг устав капитали акциядорлар олган жамият акцияларининг номинал қийматидан ташкил топади.
- 4.2 Жамиятнинг устав капитали 55 600 000 000 (эллик беш миллиард олти юз миллион)

сўмни ташкил қилади. У ҳар бирининг номинал қиймати 1 000 (бир минг) сўм бўлган 55 600 000 (эллик беш миллион олти юз) дона оддий акциялардан иборат.

#### **Жамиятнинг устав капиталини кўпайтириш**

- 4.3 Жамиятнинг устав капитални кўшимча акцияларни жойлаштириш йўли билан кўпайтирилиши мумкин.
- 4.4 Кўшимча акциялар Жамият томонидан ушбу уставда белгиланган эълон қилинган акциялар сони доирасидагина жойлаштирилади.
- 4.5 Жамият устав капиталини ошириш мақсадида жойлаштирилган акцияларига кўшимча равишда чиқариши мумкин бўлган эълон қилинган акциялари миқдори - номинал қиймати 1 000 (бир минг) сўм бўлган 44 400 000 (қирқ тўрт миллион тўрт юз минг) дона оддий акциялардан иборат.
- 4.6 Устав капиталини кўшимча акцияларни жойлаштириш йўли билан кўпайтириш тўғрисидаги қарорда жойлаштириладиган кўшимча акцияларнинг умумий қиймати, сони, тури, номинал қиймати, жойлаштириш тартиби, усули, муддати, жойлаштириш (акцияларнинг биржа ва уюшган биржадан ташқари бозорига чиқариш) нархи, акциялар учун тўлов тартиби, амалга ошмаган деб топилган улуши ва амалга ошмаган деб топилган тақдирда акциялар учун қабул қилинган тўлов воситаларини қайтариш тартиби белгиланади.
- 4.7 Кўшимча чиқарилаётган акциялар очик ва ёпиқ обуна усуллари билан жойлаштирилади.
- 4.8 Жамиятнинг устав капиталини кўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар жамиятнинг ягона акциядори қарори билан қабул қилинади.
- 4.9 Жамият томонидан акцияларни ва акцияларга айирбошланадиган, ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгаси бўлган ягона акциядор ўзига тегишли шу турдаги акциялар миқдорига мутаносиб миқдорда уларни имтиёзли олиш ҳуқуқига эга.
- 4.10 Имтиёзли ҳуқуқни қўлламаслик тўғрисидаги қарор, шунингдек бундай қарорнинг амал қилиш муддати ҳақидаги қарор ягона акциядорнинг қарори билан қабул қилиниши мумкин. Бундай қарорнинг амал қилиш муддати ушбу қарор қабул қилинган пайтдан эътиборан бир йилдан ортиқ бўлиши мумкин эмас.
- 4.11 Кўшимча чиқарилган акциялар бозор қийматида, лекин номинал қийматидан кам бўлмаган қийматда жойлаштирилади.
- 4.12 Акцияларни жойлаштириш, шу жумладан, акциядорлар ўртасида жойлаштириш тўғрисида қарор қабул қилишда акцияларни жойлаштириш (ташкил этилган қимматли қоғозлар савдоларига чиқариш) нархи жамият акциядорларининг умумий йиғилиши ёки кузатув кенгаши томонидан, агар жамият уставига ёки акциядорларининг умумий йиғилиши қарорига мувофиқ кузатув кенгашига бундан ваколат берилган бўлса, қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади.
- 4.13 Жамиятнинг устав капитални кўпайтириладиганда жамиятнинг кўшимча акцияларига унинг ўз капитални ҳисобидан, шунингдек ҳақини кўшимча акциялар билан тўлаш тўғрисида қарор қабул қилинган дивидендлар ҳисобидан ҳақ тўланган тақдирда, бундай акцияларни жойлаштириш жамият акцияларининг номинал қиймати бўйича амалга оширилади.
- 4.14 Солиққа оид ёки давлат олдидаги бошқа қарздорлик ҳисобига жамият устав капиталдаги давлат улушини шакллантириш ёки ошириш тўғрисидаги қарор жамият ягона акциядорининг қарори билан қабул қилинади.

#### **Жамиятнинг устав капиталини камайитириш**

- 4.15 Жамиятнинг устав капитали акцияларнинг номинал қийматини камайтириш ёки акцияларнинг умумий сонини қисқартириш йўли билан камайтирилиши мумкин.
- 4.16 Агар устав капиталини камайтириш натижасида унинг миқдори қонун ҳужжатларида белгиланган энг кам миқдоридан камайиб кетса, Жамият устав капиталини камайтиришга ҳақли эмас.
- 4.17 Устав капиталини камайтириш тўғрисида қарор қабул қилган вақтда ягона акциядор қарорида устав капитални камайтириш сабабларини кўрсатади ва уни камайтириш тартибини белгилайди.

## **V. АКЦИЯДОРНИНГ ҲУҚУҚ ВА МАЖБУРИЯТЛАРИ**

- 5.1 Жамиятнинг акциядори қуйидаги ҳуқуқларга эга:
- тегишли жамият акциядорларининг реестрига киритилиш;
  - депо ҳисобварағидан ўзига тааллуқли кўчирма олиш;
  - жамият фойдасининг бир қисмини дивидендлар тарзида олиш;
  - жамият тугатилган тақдирда ўзларига тегишли улушга мувофиқ мол-мулкнинг бир қисмини олиш;
  - ягона акциядор қарори орқали жамиятни бошқаришда иштирок этиш;
  - жамиятнинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;
  - олган дивидендини эркин тасарруф этиш;
  - қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
  - ўзига етказилган зарарнинг ўрни қопланишини белгиланган тартибда талаб қилиш;
  - ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
  - қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш ҳуқуқига эга.
- 5.2 Акциядор қонун ҳужжатларига ва жамият уставига мувофиқ бошқа ҳуқуқларга ҳам эга бўлиши мумкин.
- 5.3 Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонун билан қўриқланадиган манфаатларини бузмаслиги лозим.
- 5.4 Акцияларни бошқа шахсга беришга доир чеклов белгиланиши акциядорни — мазкур акциялар эгасини ушбу Қонунда белгиланган тартибда жамиятни бошқаришда иштирок этиш ва улар бўйича дивидендлар олиш ҳуқуқидан маҳрум қилмайди.
- 5.5 Акциядор мазкур Уставда ва қонунчиликда назарда тутилган бошқа ҳуқуқларга ҳам эга бўлади.
- 5.6 Жамият акциядори қуйидаги мажбуриятларга эга:
- Жамиятнинг Устав қоидаларига ва Уставда кўрсатилган тартибда, миқдорда ва усулда ҳисса кўшиш (акция ҳақини тўлаш);
  - Жамият фаолияти тўғрисидаги махфий маълумотларни ташкил қилувчи сирларни фош қилмаслик;
  - Махфий ахборотлар, тижорат сирларини қўллаш йули билан жамият Бошқаруви раиси фаолиятига тўсқинлик қилмаслиги лозим;
  - Акциядор ўзига оид маълумотлардаги ўзгаришлар ҳақида жамиятни, унинг акцияларга бўлган ҳуқуқларини ҳисобга олиш бўйича хизматлар кўрсатувчи Марказий депозитарийни ва (ёки) инвестиция воситачисини ўз вақтида хабардор

қилиши шарт. Акциядор ўзига оид маълумотлар ўзгарганлиги ҳақидаги ахборотни тақдим этмаган ҳолларда, жамият, Марказий депозитарий ва инвестиция воситачиси бунинг оқибатида акциядорга етказилган зарар учун жавобгар бўлмайди.

- 5.7 Акциядор мазкур уставда ва қонунчиликда назарда тутилган бошқа мажбуриятларга ҳам эга бўлади.

## **VI. ЖАМИЯТ АКЦИЯЛАРИНИНГ ТУРЛАРИ**

- 6.1 Жамият ўзининг акциялари оддий, шунингдек имтиёзли акциялар чиқариш ҳуқуқига эга бўлиб, ҳужжатсиз шаклда ҳисоби юритилади. Шунингдек Жойлаштирилган имтиёзли акцияларнинг номинал қиймати жамият устав фондининг (устав капиталининг) йигирма беш фоиздан ошмаслиги керак.
- 6.2 Акцияларга эгалик ҳуқуқи депо-ҳисоб варағидан кўчирма билан тасдиқланади. Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.
- 6.3 Жамият томонидан оддий акциялар бўйича ҳисобланган дивидендларни тўлаш акциядорнинг дивидендларни олишга бўлган тенг ҳуқуқларига риоя этилган ҳолда амалга оширилади.
- 6.4 Дивиденд акциядорнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд Жамиятнинг акциялари ва бошқа қимматли қоғозлари билан тўланиши мумкин.
- 6.5 Дивиденд акциядорга тегишли акцияларнинг сони ва турига мутаносиб равишда тақсимланади.
- 6.6 Жамият бир йилда бир марта йил натижаларига кўра жойлаштирилган акциялар бўйича дивидендлар тўлайди, қонун ҳужжатларида кўзда тутилган ҳоллар бундан мустасно.
- 6.7 Оддий акциялар бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Жамият кузатув кенгашининг тавсияси, молиявий ҳисоботнинг ишончилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида ягона акциядор томонидан қабул қилинади. Дивидендларни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.

## **VII. ДАРОМАДНИ (ФОЙДАНИ), ДИВИДЕНДЛАРНИ ТАҚСИМЛАШ ВА ЗАРАРНИ ҚОПЛАШ ТАРТИБИ**

- 7.1 Жамият акцияларнинг ҳар бир тури бўйича эълон қилинган дивидендларни тўлаши шарт.
- 7.2 Жамият ягона акциядори қарорига биноан дивиденд пул маблағлари ёки бошқа қонуний тўлов воситалари билан тўланиши мумкин.
- 7.3 Дивиденд акциядорга тегишли акцияларнинг сони ва турига мутаносиб равишда тақсимланади.
- 7.4 Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли.
- 7.5 Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.
- 7.6 Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кузатув кенгашининг тавсияси, молиявий ҳисоботнинг ишончилиги ҳақида аудиторлик хулосаси мавжуд бўлган

- тақдирда, молиявий ҳисобот маълумотлари асосида ягона акциядор томонидан қабул қилинади.
- 7.7 Дивидендлар тўлаш тўғрисидаги қарорда, дивиденднинг миқдори, дивидендни тўлаш шакли ва тартиби ҳамда уни тўлаш муддати, яъни тўлаш бошланадиган ва тугайдиган саналар кўрсатилган бўлиши лозим.
- 7.8 Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.
- 7.9 Жамият томонидан оддий акциялар бўйича ҳисобланган дивидендларни тўлаш акциядорнинг дивидендларни олишга бўлган ҳуқуқларига риоя этилган ҳолда амалга оширилади.
- 7.10 Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.
- 7.11 Дивидендларни тўлаш муддати ва тартиби ягона акциядор томонидан қабул қилинган қарорда белгиланади. Дивидендларни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.
- 7.12 Жамият:
- агар дивидендлар тўланадиган пайтда жамиятда банкротлик белгилари мавжуд бўлса ёки жамиятда шундай белгилар дивидендларни тўлаш натижасида пайдо бўлса;
  - агар жамият соф активларининг қиймати унинг устав фонди (устав капитали) ва захира фонди суммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳақли эмас;
  - ушбу моддада кўрсатилган ҳолатлар тугатилгач, жамият ҳисобланган дивидендларни акциядорга тўлаши шарт.
- 7.13 Жамият дивидендларнинг миқдорини улардан ундириладиган солиқларни инобатга олмаган ҳолда эълон қилади. Жамият тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат органининг ва жамиятнинг расмий веб-сайтларида қонун ҳужжатларида белгиланган муддатларда эълон қилади.
- 7.14 Акциядорлик жамияти тузилган шартномага мувофиқ Марказий депозитарий ва (ёки) инвестиция воситачилари орқали дивидент тўловини амалга ошириш ҳуқуқига эга.

## **VIII. ЖАМИЯТНИНГ СУҒУРТА ЗАХИРАЛАРИ ВА ЗАХИРА ФОНДИ**

- 8.1 Жамиятнинг суғурта захиралари:
- Жамиятнинг суғурта захиралари олинган суғурта мукофотларидан Ўзбекистон Республикасининг амалдаги қонун ҳужжатларида белгиланган тартибда ҳамда шартлар билан ҳосил қилинади;
  - Суғурта захиралари Жамият ўз зиммасига олган мажбуриятларини бажаришни таъминлаш учун мўлжалланган;
  - Жамият ҳосил қилган суғурта захиралари мусодара қилинмайди.
- 8.2 Жамият соф фойда ҳисобидан захира фондини ҳамда ягона акциядор қароридан аниқланадиган, жамият фаолияти учун зарур бўлган бошқа фондларни ташкил этади.
- 8.3 Жамиятнинг захира фонди, бошқа маблағлар мавжуд бўлмаган тақдирда, жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини қайтариб сотиб олиш учун мўлжалланади. Захира фондидан бошқа мақсадларда фойдаланиш мумкин эмас.
- 8.4 Жамият устав капиталининг 15 фоиздан кам бўлмаган миқдорда захира фонди тузилади. Захира фондига белгиланган миқдорга етгунига қадар ҳар йили соф фойдадан 5 фоиз миқдорида ажратмалар ўтказилади.

- 8.5 Захира фонди тўлалигича ёки қисман сарфланиб бўлган ҳолларида, соф фойдадан мажбурий ажратмалардан тикланади.

## **IX. ЖАМИЯТ БОШҚАРУВИНИНГ ТУЗИЛМАСИ**

- 9.1 Жамият бошқарув органлари:
- Жамиятнинг ягона акциядори
  - Кузатув кенгаши
  - Ижроия органи (Бошқарув раиси).

## **X. ЖАМИЯТ АКЦИЯДОРЛАРИНИНГ УМУМИЙ ЙИГИЛИШИ**

- 10.1 Ягона акциядор жамиятнинг юқори бошқарув органидир.
- 10.2 Жамиятда умумий йиғилиш ўтказилмайди.
- 10.3 Жамият ягона акциядори томонидан акциядорларнинг умумий йиғилиши ваколатига киритиладиган масалалар бўйича қарорлар яқка тартибда қабул қилинади ҳамда ёзма равишда расмийлаштирилади.
- 10.4 Жамият ҳар йили ягона акциядор муҳокамасига жамият фаолиятига таалукли масалаларни киритиши шарт.
- 10.5 Ягона акциядорнинг йиллик муҳокамаси молия йили тугаганидан кейин олти ойдан кечиктирмай ўтказилади.
- 10.6 Жамият ягона акциядорининг навбатдаги (йиллик) муҳокамаси ҳар йили молия йили тугаганидан кейин олти ойдан кечиктирмай ўтказилади.
- 10.7 Акциядорларнинг умумий йиғилишини ўтказиш чоғида умумий йиғилишда, кун тартибидаги масалаларни муҳокама қилиш ва овозга қўйилган масалалар бўйича қарорлар қабул қилишда иштирок этиш имкониятини берадиган ахборот-коммуникация технологияларидан фойдаланилиши мумкии. Акциядорларнинг умумий йиғилишида ахборот-коммуникация технологияларидан фойдаланган ҳолда масофадан туриб иштирок этиш ва масофадан туриб электрон овоз беришнинг умумий тартиби қимматли қоғозлар бозорини тартибга солиш бўйича ваколатли давлат органи томонидан белгиланади.
- 10.8 Ягона акциядорнинг навбатдаги (йиллик) муҳокамасида қуйидаги масалалар кўрилади:
- кузатув кенгашини сайлаш;
  - тафтиш комиссиясини (Тафтишчини) сайлаш;
  - Жамиятнинг ижроия органи раҳбари билан тузилган шартноманинг муддатини узайтириш, уни қайта тузиш ёки бекор қилиш;
  - Жамиятнинг йиллик ҳисоботи ва бизнес-режаси ижроси бўйича ҳисобот;
  - Кузатув кенгаши ва Ижроия органининг Жамиятни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисоботлари;
  - фойда ва зарарларини тақсимлаш;
  - жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан, жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш.
- 10.9 Йиғилишда бошқа масалалар ҳам кўриб чиқилиши мумкин.

10.10 Ягона акциядор ваколоти доирасига қуйидагилар киради:

- жамият уставига ўзгартиш ва қўшимчалар киритиш ёки жамиятнинг янги тахрирдаги уставини тасдиқлаш;
- жамиятни қайта ташкил этиш;
- жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;
- кузатув кенгашининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- эълон қилинган акцияларнинг энг кўп миқдорини белгилаш;
- устав капиталини камайтириш;
- жамиятнинг жойлаштирилган акцияларини сотиб олиш;
- жамиятнинг ташкилий тузилмасини тасдиқлаш, Жамиятнинг ижроия органи раҳбарини (Бошқарув раисини) сайлаш (тайинлаш);
- тафтишчини сайлаш ва унинг ваколатларини муддатидан илгари тугатиш, шунингдек, тафтишчи тўғрисидаги низомни тасдиқлаш;
- жамиятнинг йиллик ҳисоботини, шунингдек жамият фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узок муддатга ривожлантиришнинг аниқ муддатлари белгиланган стратегиясини тасдиқлаш;
- жамиятнинг фойдаси ва зарарларини тақсимлаш;
- жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан, жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш;
- имтиёзли ҳуқуқни қўлламаслик тўғрисида Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунинг 35-моддасида назарда тутилган қарорни қабул қилиш;
- акцияларни майдалаш ва йириклаштириш;
- Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуннинг 8 ва 9-бобларида назарда тутилган ҳолларда жамият томонидан битимлар тузиш тўғрисида қарор қабул қилиш. Бунда йирик битим ва жамият афилланган шахслари билан битимлар тузиш тўғрисидаги қарор мол-мулкнинг қонун ҳужжатларига мувофиқ баҳоловчи ташкилот томонидан белгиланган бозор қиймати ҳисобга олинган, мустақил ташқи аудиторлик ташкилоти томонидан битимнинг шартлари ўрганилган ҳолда мажбурий тартибда қабул қилинади;
- Мажбурий аудиторлик текширувини ўтказиш учун аудиторлик ташкилотини белгилаш, ушбу ташкилотнинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш
- Корпоратив бошқарув кодекси тавсияларига риоя этиш мажбуриятини олиш тўғрисида қарор қабул қилиш ва хабарни ошкор қилиш шаклини тасдиқлаш;
- Жамиятнинг “Кузатув кенгаши тўғрисида”ги, “Ички назорат тўғрисида”ги, “Дивиденд сиёсати тўғрисида”ги, “Манфаатлар қарама-қаршилиги вақтида ҳаракат қилиш тартиби тўғрисида”ги, “Ахборот сиёсати тўғрисида”ги, “Бошқарув ва назорат органини моддий рағбатлантириш тўғрисида”ги, “Жамият

ягона акциядори томонидан қарорларни қабул қилиш тўғрисида”ги, “Ички аудит хизмати тўғрисида”ги, “Ижроия органи тўғрисида”ги ва “Тафтишчи тўғрисида”ги низомларини тасдиқлаш;

- мустақил профессионал ташкилотлар – маслаҳатчиларни жалб қилган ҳолда бизнес-жараёнлар ва лойиҳаларнинг Жамиятнинг ривожланиш мақсадларига мувофиқлиги юзасидан таҳлил ўтказиш тўғрисида қарор қабул қилиш;
- Жамиятнинг жорий хўжалик фаолияти билан боғлиқ битимларни белгилаш;
- қонун ҳужжатларига мувофиқ бошқа масалаларни ҳал этиш.

10.11 Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни ва ушбу устав билан Жамият ягона акциядори ваколатига киритилган масалалар бўйича қарорлар Жамият ягона акциядори томонидан яқка тартибда қабул қилинади ҳамда ёзма шаклда расмийлаштирилади.

10.12 Жамият ягона акциядорининг қарор қабул қилиш тартиби, Жамият ягона акциядори томонидан тасдиқланган “Жамият ягона акциядорининг қарор қабул қилиш тартиби тўғрисида”ги Низомда белгиланади.

## **XI. ЖАМИЯТ КУЗАТУВ КЕНГАШИ**

11.1 Жамият кузатув кенгаши Жамият фаолиятига умумий раҳбарликни амалга оширади, Жамият ягона акциядори ваколатига тааллуқли масалалар бундан мустасно.

11.2 Жамият кузатув кенгашининг аъзолари Жамият ягона акциядорининг қарори билан уч йил муддатга сайланади. Жамият кузатув кенгаши аъзоларининг сони \_\_\_\_\_ кишидан иборат.

11.3 Жамият кузатув кенгашининг таркибига сайланган шахслар чекланмаган тарзда қайта сайланиши мумкин.

11.4 Жамият Ижро органи, Жамиятнинг шўъба ва тобе хўжалик жамиятларида меҳнат шартномаси (контракт) бўйича ишлаётган шахслар Жамиятнинг Кузатув кенгашига сайланиши мумкин эмас.

11.5 Айти шу Жамиятда меҳнат шартномаси (контракт) бўйича ишлаётган шахслар, Жамиятнинг Кузатув кенгаши аъзоси бўлиши мумкин эмас.

11.6 Жамият кузатув кенгашининг ваколат доирасига қуйидагилар киради:

- жамиятнинг бизнес-режаси кўрсаткичлари бажарилиши, шунингдек, ривожлантириш стратегиясига эришиш бўйича кўрилаётган чора-тадбирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;
- Ягона акциядор муҳокамасига киритиладиган масалаларни тайёрлаш;
- Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунида 59-моддаси биринчи қисмининг иккинчи хатбошисига назарда тутилган масалаларни ягона акциядор муҳокамасига ҳал қилиши учун киритиш;
- жамият бошқарув аъзоларини (бошқарув раисидан ташқари) сайлаш (тайинлаш) ва уларнинг ваколатларини муддатидан илгари тугатиш;
- мол-мулкнинг бозор қийматини белгилашни ташкил этиш;
- ижроия органига тўланадиган ҳақ ва компенсациялар миқдорини белгилаш;
- корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш;

- жамиятнинг йиллик бизнес-режасини жорий йилнинг 1 декабридан кечиктирмай тасдиқлаш;
- ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;
- жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият Кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- аудиторлик текширувини, шу жумладан халқаро стандартларга мувофиқ тузилган молиявий ҳисоботларнинг халқаро аудит стандартларига мувофиқ аудиторлик текширувидан ўтказиш бўйича қарор қабул қилиш;
- аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;
- тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;
- дивиденд миқдори, уни тўлаш шакли ва тартиби юзасидан тавсиялар бериш;
- захира фондидан ва бошқа фондларидан фойдаланиш;
- филиалларни ташкил этиш ва ваколатхоналарини очиш;
- шўъба ва тобе хўжалик жамиятларини ташкил этиш (улар акциядорлик жамияти ёки масъулияти чекланган жамияти шаклларида тузилади);
- Қонунда белгиланган ҳолларда Жамият томонидан йирик битимлар ва Жамият аффилиланган шахслари билан (манфаатдорлик) битимлар тузиш тўғрисида қарор қабул қилиш;
- жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;
- корпоратив облигациялар, шу жумладан, акцияларга айирбошланадиган облигациялар чиқариш тўғрисида қарор қабул қилиш;
- жамиятнинг корпоратив облигацияларини қайтариб сотиб олиш тўғрисида қарор қабул қилиш;
- жамиятнинг устав капиталини кўпайтириш, шунингдек жамият уставига жамиятнинг устав капиталини кўпайтириш ҳамда жамиятнинг эълон қилинган акциялари сонини камайтириш билан боғлиқ ўзгартиш ва қўшимчалар киритиш тўғрисидаги қарор қабул қилиш;
- акцияларни жойлаштириш (ташкил этилган қимматли қоғозлар савдоларига чиқариш) нархини белгилаш;
- қимматли қоғозларнинг ҳосилаларини чиқариш тўғрисида қарор қабул қилиш;
- ҳомийлик (хайрия) ёки беғараз ёрдам кўрсатиш (олиш) тўғрисида қарорларни қабул қилиш;
- кузатув кенгаши қошида кузатув кенгаши, ижроия органлари аъзолари, Жамият ходимлари ва жалб этилган экспертлар (тегишли соҳа мутахассислари, соҳа олий таълим муассасалари ўқитувчилари ва бошқалар)дан иборат тегишли масалалар, шу жумладан, низоли вазиятларни аниқлаш ва ҳал этиш ва бошқа масалалар бўйича қўмиталар (ишчи гуруҳлари) ташкил этиш;
- Жамиятнинг Инвестиция фаолияти тўғрисидаги Низомни тасдиқлайди;
- қонун ҳужжатларига мувофиқ бошқа масалаларни ҳал этиш.

- 11.7 Жамият Кузатув кенгаши ваколат доирасига киритилган масалалар ҳал қилиш учун Жамиятнинг ижроия органига ўтказилиши мумкин эмас.
- 11.8 Кузатув кенгаши аъзолари сайлови кумулятив овоз бериш орқали амалга оширилади. Кумулятив овоз беришда ҳар бир акциядорга тегишли овозлар сони кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки уларни икки ва ундан ортиқ номзодлар ўртасида тақсимлашга ҳақлидир. Энг кўп овоз тўплаган номзодлар Жамият кузатув кенгаши таркибига сайланган деб ҳисобланади.
- 11.9 Кузатув кенгашининг раиси кенгаш аъзолари томонидан уларнинг ўзлари орасидан кўпчилик овоз билан сайланади. Кузатув кенгаши ўз раисини жами аъзоларининг кўпчилик овози билан қайта сайлашга ҳақлидир.
- 11.10 Кузатув кенгашининг раиси унинг ишини ташкил этади, Кузатув кенгаши мажлисларини чакиради ва уларда раислик қилади, мажлисда баённома юритилишини ташкил этади, ижроия органи раҳбари (Бошқарув раиси) билан меҳнат шартномасини имзолайди.
- 11.11 Кузатув кенгаши раиси йўқ бўлган ҳолларда унинг вазифасини кенгаш аъзоларидан бири амалга оширади.
- 11.12 Кузатув кенгаши мажлислари унинг раиси томонидан ҳар чоракда камида бир марта чакирилади ва ўтказилади.
- 11.13 Жамият Кузатув кенгашининг мажлиси Кузатув кенгашининг раиси томонидан унинг ўз ташаббусига кўра, Жамият Кузатув кенгаши, Тафтиш комиссияси, ижроия органи талабига кўра чакирилади.
- 11.14 Жамият Кузатув кенгашининг мажлисини ўтказиш учун кворум Жамият кузатув кенгашига сайланган аъзоларнинг етмиш беш фоизидан кам бўлмаслиги керак. Жамият Кузатув кенгашининг қарори Кузатув кенгашига сайланган аъзоларнинг камида етмиш беш фоизи иштирок этганида қонуний ҳисобланади.
- 11.15 Кузатув кенгашининг мажлисида қарорлар, агар қонунчиликда бошқа ҳоллар кўзда тутилмаган бўлса, мажлисда ҳозир бўлганларнинг кўпчилик овози билан қабул қилинади. Кузатув кенгаши мажлисида масалалар ҳал этилаётганда кенгашнинг ҳар бир аъзоси битта овозга эга. Кузатув кенгашининг бир аъзоси ўз овозини кенгашнинг бошқа аъзосига беришига ҳақли эмас. Кузатув кенгаши аъзоларининг овозлари тенг бўлган ҳолда, кенгаш раисининг овози ҳал этувчи ҳисобланади.
- 11.16 Мажлисда кузатув кенгаши аъзолари видео ва аудио ускуналари орқали конференция алоқаси бўйича иштирок этиши мумкин, бунда уларнинг овозлари қарор қабул қилиш учун сиртдан берилган деб ҳисобланмайди.
- 11.17 Баланс қиймати ёки олдин қиймати битим тузиш тўғрисида қарор қабул қилинаётган санада Жамият соф активлари миқдорининг ўн беш фоизидан эллик фоизигачасини ташкил этувчи мол-мулк хусусида йирик битим тузиш тўғрисидаги қарор Жамият Кузатув кенгашининг аъзолари томонидан бир овоздан қабул қилинади, бунда Кузатув кенгашидан чиқиб кетган аъзоларининг овози инобатга олинмайди.
- 11.18 Жамият Кузатув кенгашининг мажлисида баённома юритилади ва Кузатув кенгаши мажлисининг баённомаси мажлис ўтказилгандан сўнг 10 (ўн) кундан кечиктирмай тузилади. Мажлис баённомасида қуйидагилар кўрсатилади:
- мажлис ўтказилган сана, вақт ва жой;
  - мажлисда иштирок этадиган, шу жумладан ахборот-коммуникация технологияларидан фойдаланган ҳолда масофадан туриб иштирок этадиган шахслар;

- мажлисининг кун тартиби;
  - овоз беришга қўйилган масалалар, улар юзасидан ўтказилган овоз бериш яқунлари;
  - қабул қилинган қарорлар.
- 11.19 Жамият Кузатув кенгаши мажлисининг баённомаси мажлисда иштирок этаётган Жамият Кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.
- 11.20 Жамият Кузатув кенгашининг қарорлари сиртдан овоз бериш йўли билан (сўров йўли билан) Жамият Кузатув кенгашининг барча аъзолари томонидан бир овоздан қабул қилиниши мумкин.
- 11.21 Жамият Кузатув кенгаши мажлисининг баённомаси имзоланган куни Жамиятнинг ижроия органига ижро этиш учун топширилади. Кузатув кенгаши Жамият Ягона акциядорига масала киритиш тўғрисида қарор қабул қилинган тақдирда мазкур қарор ҳақида ахборот Жамиятнинг ижро органига Кузатув кенгашининг мажлиси ўтказиладиган куни топширилади.
- 11.22 Жамият ягона акциядори қарорига кўра Жамият Кузатув кенгашининг аъзоларига улар ўз вазифаларини бажариш билан боғлиқ ҳаражатларининг ўрни қопланиши мумкин. Бундай ҳақ ва тўловларнинг миқдорлари Жамият ягона акциядорининг қарорида белгиланади.
- 11.23 Жамият Кузатув кенгаши аъзолари ўз ҳуқуқларини амалга оширишда ва ўз бурчларини бажаришда Жамият манфаатларини кўзлаб иш тутишлари лозим.
- 11.24 Жамият кузатув кенгаши аъзолари Жамият ва унинг акциядори олдидаги ўз мажбуриятларини зарур даражада бажармаганликлари учун қонун ҳужжатларига мувофиқ жавобгар бўладилар.
- 11.25 Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган Жамият Кузатув кенгаши аъзолари жавобгар бўлмайди.
- 11.26 Кузатув кенгаши мазкур Устав ва Жамият ягона акциядори томонидан тасдиқланадиган “Кузатув кенгаши тўғрисида”ги низом асосида иш олиб боради.

## **ХII. ЖАМИЯТНИНГ ИЖРОИЯ ОРГАНИ**

- 12.1 Жамиятнинг жорий фаолияти устидан раҳбарлик коллегиал ижроия органи (Бошқарув) томонидан амалга оширилади. Жамият бошқаруви 5 (беш) кишидан иборатдир. Бошқарув ишига бошқарув раиси раҳбарлик қилади.
- 12.2 Бошқарув раиси ва аъзоларини тайинлаш, чет эллик мутахассислар иштирок этиши имконияти бўлган танлов бўйича саралаш асосида амалга оширилиши мумкин.
- 12.3 Жамият Бошқаруви ушбу Уставга ҳамда ягона акциядор томонидан тасдиқланган компания ижроия органи (Бошқаруви) тўғрисидаги Низомга мувофиқ иш олиб боради.
- 12.4 Жамият ижроия органи (Бошқаруви) ягона акциядор ва компания кузатув кенгашининг қарорларини бажарилишини ташкил этади.
- 12.5 Жамият ижроия органининг (Бошқарувининг) ваколат доирасига компаниянинг кундалик фаолиятига раҳбарлик қилишга доир барча масалалар киради, Жамият ягона акциядори ва Кузатув кенгашининг ваколатларига киритилган масалалар бундан мустасно.
- 12.6 Жамият ижроия органи (Бошқаруви) тўғрисидаги Низомга мувофиқ Бошқарув раиси бошчилигидаги Бошқарув ўз ҳатти-ҳаракатлари учун ягона акциядор ва Жамиятнинг Кузатув кенгаши олдида жавоб беради.

- 12.7 Бошқарув раиси Жамият номидан ишончномасиз иш юритади, шу жумладан унинг манфаатларини ифодалайди ва Жамият кундалик фаолиятини бошқаради ҳамда оператив раҳбарликни Ўзбекистон Республикаси қонунчилиги, Жамият Устави, Жамият ягона акциядори ва Кузатув кенгашининг қарорларига мувофиқ амалга оширади.
- 12.8 Бошқарув раиси Қонун ва мазкур Уставга мувофиқ акциядорлар умумий йиғилиши ва кузатув кенгаши қарорлари бажарилишини ташкил этади ва уларга ҳисобот беради.
- 12.9 Бошқарув раиси белгиланган тартибда Жамият ягона акциядор қарорига асосан лавозимга уч йил муддатга тайинланади. У билан меҳнат шартномасини Жамият номидан Кузатув кенгаши раиси имзолайди.
- 12.10 Бошқарув раиси ваколатига қуйидагилар киради:
- Мазкур Устав ва Ягона акциядор томонидан ўзига берилган ваколатларга мувофиқ Жамиятнинг ишига раҳбарлик қилиш;
  - Ягона акциядор қарорларининг ижро этилишини ташкил этиш;
  - Жамият тузилмалари раҳбарларини тайинлаш;
  - Жамият Бошқаруви раиси ўринбосарлари ҳамда Бош ҳисобчини тайинлаш;
  - Жамиятнинг филиали ёки ваколатхонаси раҳбарини тайинлаш;
  - Ишчи ва ходимларга иш ҳақи, мукофотлар, тақдирлаш ва устама миқдорини белгилаш. Бошқарув аппарати ва Жамиятнинг таркибий тузилмалари ходимларининг штат жадвалларини, келгусидаги харажатларини тасдиқлайди, ходимларга, шу жумладан Жамият филиаллари директорлари меҳнатига ҳақ тўлаш, уларни мукофотлаш ва тақдирлаш тўғрисидаги Низомни, Бошқарув аппарати ходимлари ва филиаллар директорлари ҳамда бош бухгалтерларнинг лавозим меҳнат ҳақиға устамаларни тасдиқлайди;
  - ходимлар мансаб йўриқномаларини тасдиқлаш;
  - Жамият томонидан мол-мулкни олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ битим ёки ўзаро боғланган бир нечта битимлар бўйича қарор қабул қилиш, агар бошқа шахсга берилаётган мол-мулкнинг ёки олинаётган мол-мулкнинг баланс қиймати бундай битимларни тузиш тўғрисидаги қарор қабул қилинаётган санадан олдинги ҳисобот санасига тузилган молиявий ҳисобот бўйича жамият соф активлари миқдорининг 15 фоизигача ташкил этса, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно;
  - Жамиятнинг асосий воситаларини ҳисобдан чиқариш;
  - мазкур Устав ва ягона акциядор томонидан ўзига берилган ваколатларга мувофиқ Жамиятнинг ишига раҳбарлик қилиш;
  - Жамият номидан битимлар тузиш;
  - кузатув кенгашининг розилигига кўра унинг ишида маслаҳат овози билан иштирок этиш;
  - ходимлар штатларини тасдиқлаш, ходимларни (ишчиларни) ишга қабул қилиш, улар билан меҳнат шартномаларини тузиш ва бекор қилиш, уларга нисбатан интизомий жазо чораларини қўллаш, ходимлар томонидан меҳнат ва ижро интизомини сақлаб туришини таъминлаш;
  - Жамият номидан амалдаги қонунчиликка асосан ишончномаларни бериш;

- Жамиятнинг барча ходимлари томонидан бажарилиши мажбурий бўлган буйруқ ва фармойишлар чиқариш ва кўрсатмалар бериш;
  - ўз ваколатлари доирасида Жамиятнинг самарали ва барқарор ишлашини таъминлаган ҳолда унинг жорий фаолиятига раҳбарлик қилиш;
  - Жамият ягона акциядори ва кузатув кенгаши қарорларининг бажарилишини ташкил этиш;
  - Жамиятда бухгалтерия ҳисоби юритилишини ташкил этиш, шу жумладан эълон қилиш мақсадида Молиявий ҳисоботлар халқаро стандартларига трансформациясини таъминлаш;
  - қонун ҳужжатларига мувофиқ Жамият фаолиятига доир маълумотларни ошкор қилиш;
  - йиллик ҳисоботлар ва бошқа молиявий ҳисоботлар тегишли органларга ўз вақтида тақдим этилишини, шунингдек акциядорларга, кредиторларга ва бошқа олувчиларга юбориладиган Жамият фаолияти тўғрисидаги маълумотлар тақдим этилишини таъминлаш;
  - Жамият архиви ишини ташкил этиш ва ундаги ҳужжатлар бутлигини таъминлаш;
  - Жамиятда инвестиция фаолиятини ўртантилган Қонунчилик талаблари асосида амалга ошириш;
  - Ҳомийлик (хайрия) ёки беғараз ёрдам кўрсатиш (олиш) тўғрисида қарорларни қабул қилиш. Бунда бир календар йилида 300 000 000,00 сўмдан ошмаслиги керак;
  - амалдаги қонун ҳужжатларига ҳамда Жамият ички ҳужжатларига риоя қилиш.
- 12.11 Бошқарув раиси ўз ҳуқуқларини амалга оширишда ва ўз мажбуриятларини бажаришда Жамият манфаатларини кўзлаб иш тутиши лозим. У қонун ҳужжатларига ва ушбу уставга мувофиқ Жамият ва унинг ягона акциядори олдида жавобгардир.
- 12.12 Бошқарув раиси мазкур Устав ва Жамият ягона акциядори томонидан тасдиқланган “Ижроия органи тўғрисида”ги низом асосида иш олиб боради.

### **XIII. ЖАМИЯТ ФАОЛИЯТИНИ НАЗОРАТ ҚИЛИШ**

- 13.1 Жамиятнинг молия-хўжалик фаолияти устидан назоратни амалга ошириш учун жамият уставида жамиятнинг тафтиш комиссиясини тузиш (тафтишчисини сайлаш) назарда тутиш мумкин. Тафтиш комиссияси (тафтишчиси) Акциядорларининг Умумий йиғилиши (Ягона акциядор) томонидан сайланади.
- 13.2 Тафтишчининг талабига биноан Бошқарув раиси молия-хўжалик фаолияти тўғрисидаги ҳужжатларни тафтишчига тақдим этиши шарт.
- 13.3 Тафтишчи бир вақтнинг ўзида кузатув кенгашининг аъзоси бўлиши, шунингдек жамиятнинг бошқарув органларида бошқа лавозимларни эгаллаши мумкин эмас. Айти бир шахс айти бир жамиятнинг тафтишчилигига кетма-кет уч мартадан ортиқ сайланиши мумкин эмас.
- 13.4 Жамиятнинг молия-хўжалик фаолиятини текшириш тафтишчининг, ягона акциядорнинг, кузатув кенгашининг ташаббусига кўра жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият яқунлари бўйича амалга оширилади.
- 13.5 Жамиятнинг молия-хўжалик фаолиятини текшириш яқунларига кўра жамиятнинг тафтишчиси хулоса тузади, бу хулосада:

- жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;
  - бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга ошириляётганда қонун ҳужжатлари бузилганлиги фактлари тўғрисидаги ахборот кўрсатилиши шарт.
- 13.6 Тафтишчининг хулосаси мазмунига қўшимча талаблар ягона акциядор қарори билан белгиланади.
- 13.7 Тафтишчи жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда кузатув кенгашининг мажлисида ва ягона акциядорнинг йиллик муҳокамасида эшитилади.
- 13.8 Тафтишчи мазкур Устав ва Жамият ягона акциядори томонидан тасдиқланадиган “Жамият тафтишчиси тўғрисида”ги низом асосида иш олиб боради ва уларга белгиланган тартибда мукофот пули тўланади.
- 13.9 Жамият активларининг баланс қиймати базавий ҳисоблаш миқдорининг юз минг баробарини ташкил этса ва (ёки) ошса Жамиятда ички аудит хизмати ташкил этилади. Ички аудит хизмати жамиятнинг кузатув кенгашига ҳисобдор бўлади.
- 13.10 Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун ҳужжатларига, жамият уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроия органи, филиаллари ва ваколатхоналари ишини назорат қилади ҳамда баҳолайди.
- 13.11 Ички аудит хизмати жамиятдаги ички назоратни, шу жумладан, 50 фоиздан зиёд улуши Жамиятга тегишли бўлган юридик шахслар билан ўтказилган операциялар устидан назоратни амалга оширади.
- 13.12 Жамиятнинг ички аудит хизмати ўз фаолиятини Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширади.
- 13.13 Жамиятда кузатув кенгашига ҳисобдор бўлган ва корпоратив қонун ҳужжатларига риоя этилиши устидан назорат қилиш вазифасини бажарувчи жамият корпоратив маслаҳатчиси лавозими жорий этилиши мумкин.
- 13.14 Жамият корпоратив маслаҳатчисининг фаолияти жамият кузатув кенгаши томонидан тасдиқланган низом асосида амалга оширилади.

#### **XIV. ЖАМИЯТ ФИЛИАЛЛАРИ**

- 14.1 Жамиятнинг Қорақолпоғистон Республикаси, вилоятлар, Тошкент шаҳар филиалларига Жамият Бошқаруви раиси тайинлайдиган директорлар раҳбарлик қиладилар.
- 14.2 Филиал директорлари Жамият номидан Бошқарув раиси томонидан берилган ишончнома асосида иш фаолиятини юритадилар.
- 14.3 Филиаллар Жамият кузатув кенгаши тасдиқлаган “Филиаллар тўғрисида”ги Низом асосида ишлайди. Шунингдек думалоқ муҳрига, бурчак штампига, банкларда Жамиятга тегишли иккиламчи банк ва валюта ҳисобварақларига эга бўлади.
- 14.4 Филал ходимларининг лавозим меҳнат ҳақи, устамалар ва мукофотлаш, тақдирлаш

тўғрисидаги Низомни Жамият Бошқарув раиси тасдиқлайди.

14.5 Жамият филиали:

- Жамият Бошқаруви тасдиқлаган меъёрий ҳужжатларда белгиланган миқдорда суғурта пулини кирим қилади;
- Жамият Бошқаруви белгилаган лимитлар доирасида суғурта турлари операцияларини амалга оширади;
- Жамият Бошқаруви филиалга юклаган вазифа ва функцияларни бажаради;
- Жамият Бошқаруви томонидан ойлик, чораклик, ярим йиллик, йиллик ўрнатилган режа кўрсаткичларини бажарилишини таъминлайди.

14.6 Жамият ўзи ташкил қилган таркибий тузилмаларни мол-мулк билан таъминлайди.

## **XV. МОЛИЯ ҲИСОБИ ВА ҲИСОБОТИ**

15.1 Жамият Ўзбекистон республикаси қонунлари ва меъёрий ҳужжатларига мувофиқ ва тартибда ўз фаолияти бухгалтерия ҳисоб-китобини ҳамда стратегик ҳисоботни юритади ва молиявий ҳисобот тақдим этади.

15.2 Жамият учун молия йили 1 январдан 31 декабргача белгиланади.

15.3 Жамиятда бухгалтерия ҳисобининг ташкил этилиши, ҳолати ва ишончилиги, тегишли органларга ҳар йилги ҳисобот ва бошқа молиявий ҳисоботлар, шунингдек жамиятнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган компания фаолияти тўғрисидаги маълумотлар ўз вақтида тақдим этилиши учун жавобгарлик Жамият ижроия органининг зиммасида бўлади.

15.4 Ягона акциядорга тақдим этилган Жамиятнинг йиллик ҳисоботи, бухгалтерия баланси, фойда ва зарарлар ҳисобварағидаги маълумотларни тўғри эканлиги жамиятнинг тафтишчиси томонидан тасдиқланган бўлиши керак.

15.5 Жамиятнинг молиявий ҳисоботида кўрсатилган ва ягона акциядорга тақдим этиладиган молиявий ҳисоботдаги, бухгалтерия балансидаги, фойда ва зарарлар ҳисобварағидаги маълумотнинг ишончилиги мулкӣ манфаатлари Жамият ёки унинг акциядорлари билан боғиқ бўлмаган аудиторлик ташкилоти томонидан тасдиқланган бўлиши керак.

15.6 Аффилланган шахслар билан тузилган битимлар тўғрисидаги ахборот, шу жумладан аффилланган шахсларнинг ёзма билдиришлари ва битимлар бўйича қабул қилинган қарорларнинг тўлиқ таърифлари, қарор қабул қилган шахслар ҳақидаги маълумотлар ҳамда аффилланган шахслар билан битимлар тузиш чоғидаги манфаатлар тўқнашуви тўғрисидаги маълумотлар Жамият йиллик ҳисоботининг бир қисмдир.

## **XVI. ЖАМИЯТНИ ҚАЙТА ТАШКИЛ ЭТИШ ВА ТУГАТИШ**

Жамиятни қайта ташкил этиш тартиби:

16.1 Жамиятни қайта ташкил этиш (жумладан: қўшиб олиш, қўшиб юбориш, бирлаштириш, бўлиш, ажратиб чиқариш ва қайта тузиш) ягона акциядор қарори асосида, шунингдек, амалдаги қонун ҳужжатлари билан белгиланган ҳолларда ва тартибда амалга оширилади.

Жамиятни тугатиш тартиби:

16.2 Жамиятни тугатиш ягона акциядор қарори асосида, шунингдек, амалдаги қонун ҳужжатлари билан белгиланган ҳолларда ва тартибда амалга оширилади. Жамиятни тугатиш унинг ҳуқуқ, ва мажбуриятлари ҳуқуқӣ ворислик тартибида бошқа шахсларга утмаган ҳолда Жамият фаолиятининг тухтатилишига олиб келади.

## XVII. ЯКУНИЙ ҚОИДАЛАР

- 17.1 Устав бўйича келиб чиқадиган барча низо ва келишмовчиликлар амалдаги қонун ҳужжатлари ва ушбу уставга асосан ҳал қилинади.
- 17.2 Низо ва келишмовчиликларни музокаралар йўли билан ҳал қилиш имконияти бўлмаган тақдирда улар тегишли равишда суд орқали ҳал қилинади.
- 17.3 Мазкур Устав ва унинг киритилган ўзгартиш ва қўшимчалар қонун ҳужжатларида белгиланган тартибда давлат рўйхатига олинган вақтдан бошлаб учинчи шахслар учун кучга киради.

**“Kafolat Hayot Insurance” АЖ**  
**Бошқарув раиси**



**А.Ахмедов**